

JKP „JABLANICA“ D.D.

Na osnovu člana 5., 8. i 12. Zakona o javnim preduzećima (“Službene novine Federacije BiH”, broj 8/05, 81/08, 22/09 i 109/12), člana 10. Statuta Društva, te Odluke Nadzornog odbora br. 1192-04/25 od 07.07.2025. godine, Nadzorni odbor JKP “Jablanica” DD, Jablanica, objavljuje:

JAVNI KONKURS ZA IZBOR I IMENOVANJE DIREKTORA JKP “JABLANICA” DD

I

Objavljuje se javni konkurs za izbor i imenovanje direktora JKP „Jablanica“ d.d.

Imenovanje se vrši na period od 4 (četiri) godine.

Direktor će biti odabran transparentnim i nezavisnim selektivnim procesom od strane Nadzornog odbora Društva u skladu sa zakonskim propisima i Statutom Društva.

Sa izabranim kandidatom zaključuje se ugovor kojim će se odrediti prava i obaveze direktora, plaća i ostale naknade u skladu sa važećim propisima.

II

OPIS POZICIJE:

1) organizacija i vođenje poslova preduzeća; 2) izvještavanje Nadzornog odbora preduzeća na zahtjev Nadzornog odbora; 3) provedba statuta i etičkog kodeksa; 4) izrada i nadgledanje realizacije planova poslovanja; 5) izrada provedbenih propisa za postupak nabavki i provedba Zakona o javnim nabavkama BiH; 6) priprema prijedloga o raspodjeli profita i načinu pokrivanja gubitka; 7) zapošljavanje i otpuštanje zaposlenika u skladu sa postupcima utvrđenim u poslovniku ili poslovniciama te važećim zakonima; 8) zastupanje preduzeća prema trećim licima; 9) staranje i odgovornost za zakonitost rada preduzeća; 10) distribucija i implementacija etičkog kodeksa u javnom preduzeću; 11) obezbjeđenje postupanja svih odgovornih lica u skladu sa etičkim kodeksom tako što će se protiv lica koja krše navedeni kodeks provesti disciplinski postupak; 12) drugi poslovi neophodni za nesmetano odvijanje organizacije i vođenja poslovanja preduzeća.

III

Kandidati moraju ispunjavati sljedeće uslove:

A. OPĆI USLOVI

1. da su državljani Bosne i Hercegovine,
2. da su stariji od 18 godina,
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da se na njih ne odnosi član IX. 1. Ustava Bosne i Hercegovine,
5. da im presudom suda nije zabranjeno obavljanje aktivnosti u nadležnosti direktora,
6. da se protiv njih ne vodi krivični postupak, te da nisu osuđivani za krivično djelo i privredni prestup u roku od 5 (pet) godina od dana izdržavane, izvršene ili oproštene kazne prije objavljivanja oglasa,
7. da nisu na funkciji u političkoj stranci,
8. da nisu članovi zakonodavne, izvršne ili sudske funkcije u smislu Zakona o sukobu interesa u institucijama vlasti BiH,
9. da ne postoje druge zakonske smetnje za obavljanje funkcije direktora JKP “Jablanica” DD.

B. POSEBNI USLOVI

1. da imaju visoku stručnu spremu, odnosno visoko obrazovanje prvog, drugog ili trećeg ciklusa Bolonjskog sistema studiranja sa najmanje 180 ECTS bodova - tehničkih, ekonomskih, pravnih, ili prirodnih nauka,
2. da imaju najmanje 5 (pet) godina radnog iskustva u struci nakon sticanja zahtjevane stručne spreme,
3. da u pisanoj formi ponude Program rada preduzeća u mandatnom periodu,

4. da imaju certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno ovjerenu izjavu kandidata da prihvata obavezu da usavršavanje obavi u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, u roku od godinu dana od dana imenovanja.

IV

Uz prijavu kandidati su obavezni dostaviti sljedeće:

- biografija, adresa i kontakt telefon,
- uvjerenje o državljanstvu (ne starije od 6 mjeseci),
- potvrda o prebivalištu - CIPS (ne starije od 6 mjeseci),
- diplomu o završenom fakultetu,
- dokaz o radnom iskustvu u struci i spremi nakon sticanja zahtjevane stručne spreme,
- ovjerenu izjavu kod nadležnog općinskog organa ili notara pod materijalnom i krivičnom odgovornošću o ispunjavanju uslova iz člana III tačke A pod 3., 4., 5., 6., 7., 8. i 9. (u svrhu prijave na tačno naznačen ovaj konkurs),
- program rada preduzeća u mandatnom periodu.
- certifikat o završenom usavršavanju ili izjavu o činjenici iz stava 4. posebnih uslova konkursa, sačinjenu i potpisanu od strane kandidata i ovjerenu kod nadležnog općinskog organa ili notara.

Svi dokumenti moraju biti u originalu ili ovjerenoj kopiji.

JKP „Jablanica“ d.d. zadržava pravo provjere tačnosti svih podataka iz izjava i drugih dokumenata kandidata.

Izabrani kandidat je dužan dostaviti uvjerenje da se ne vodi krivični postupak, uvjerenje o nekažnjavanju i ljekarsko uvjerenje nadležne zdravstvene ustanove, ne starija od tri mjeseca.

Dokumenti priloženi uz prijavu na javni konkurs neće se vraćati kandidatima.

V

Podnosioci prijava s kojima se ne stupa u kontakt u roku od 8 (osam) dana od isteka roka za podnošenje prijava neće biti uzeti u razmatranje u daljem procesu izbora i imenovanja.

Svi kandidati koji uđu u uži izbor bit će pozvani na intervju.

Javni konkurs će biti objavljen u „Službenim novinama FBiH“, dnevnom listu „Oslobođenje“ i na web stranici JKP „Jablanica“ d.d. (www.komunalnojablanica.com).

Krajnji rok za podnošenje prijava je 15 (petnaest) dana od dana posljednjeg objavljivanja.

Prijave sa potrebnom dokumentacijom dostaviti lično ili putem pošte, preporučeno na adresu:

Javno komunalno preduzeće “Jablanica” DD, Jablanica, ulica Omladinsko šetalište bb, 88420 Jablanica, sa naznakom “Prijava na konkurs za izbor i imenovanje direktora preduzeća – NE OTVARAJ”.

Na poleđini koverta naznačiti ime i prezime, te adresu podnosioca prijave.

Neuredne, nepotpune i neblagovremene prijave neće se uzimati u razmatranje.

JKP „Jablanica“ d.d. zadržava pravo da u bilo kojoj fazi postupka poništi ovaj konkurs bez obaveze navođenja razloga i bez ikakvih obaveza prema prijavljenim kandidatima.

NADZORNI ODBOR